



廻吉錄卷之六

古吳 顧錫疇九疇甫評定

閩漳 顏茂猷光衷甫編輯

公鑑二

大度人門

天下至大萬世至遠雖萬手萬目以救濟斯世而猶未足也故最急度人謂必聖賢而後度人非也聞善則喜見善則樂時時述善言談善事說善報則度已多矣中間轉移靈巧機關妙活自有愈進

幾諫格心
都從這裏
生活

愈精處極至變化恰合而不自知也而度衆人之
人又不若度度世之人得其一焉以旋乾轉坤以
守先侯後人復生人則度成普度矣聖賢經世傳
世皆此一大事在

○○○虞舜與人爲善

昔舜在河濱見漁者皆爭取深潭厚澤而老弱則漁
于急流淺灘之中惻然哀之往而漁焉見爭者皆匿
其過而不談見有讓者則揄揚而取法之期年皆以
厚澤深潭相讓矣其耕稼與陶皆然夫舜豈不能出

點出舜心
活處

隻眼

一語教人哉乃不以言教而以身轉此良工苦心也
吾輩處世勿以己長蓋人勿以己善形人勿以己之
多能困人收斂才智若無若虛見人過失則涵容而
揜覆之一令可改二令其顧忌而不敢縱見人微長
可取小善可錄翻然舍己而從之且艷稱而廣述之
則天地之量滿矣

感應註

○○司徒敷教在寬

五品自契一命傳揚萬世度何衆也寬之一字尤妙
未化人先化心自家忿疾于頑逆耳強聒則火氣先

色難不只
養親凡化
入俱在此

動安能入微。就是父兄之于子弟。亦有中養不中。才
養不才。一法從意氣不及。聲色不大處。觸人肺腑。甘
苦疾徐。自有神行也。夫子稱顏子曰。自吾得回也。而
門人日益親。想其春風和氣。覲面神怡。真足為吾道
招牌。為後學接引。此所以年三十二。毫無建立。而佐
聖稱元勳也歟。

○○○夫子循循善誘

全在虛活妙處。設梯設航。如為顏子說者。自為他人
說不得。此度人之苦心也。道既不行。施濟莫遂。而老

安少懷勤懼至死。滿心則又之宋之衛之晉之楚。木鐸

道路。倡教求賢。如晏子子產。視夫子何如。從而兄事

之。又如浣女小童。微觀有異。即便加以釘門鉞。功此

度世之苦心也。一時人心風俗。猶然喚不回頭。則作

為春秋以懼亂賊。正王法。使大義凜若日星。而魯論

五經傳流萬禩。治統聖學。與天無極。此度萬世之苦

心也。凡此苦心。政不知依傍何樣。剗立何格。只是揀

人願重無可奈何。自然活法之中。生活法耳。人人以

此立心。必有妙手。各能滿虛空界。

乾元發大
極之蘊

○發聖人之蘊教萬世無窮者顏子以能問於不能以多問於寡有若無實若虛犯而比較分明畫出聖人替身來只此是無窮之教

○傳聖人之宗為天下得人者曾子子思

大學中庸俱是聖人真骨血被他指點來上以承接正統如日之有月月之有燈下以開闢孟子如嶠之出漾江之出漢俱是天地為夫子生的雖遜迹埋光而源遠流長恒必繇之也

○○○孟子願學孔子再肩世道

看聖賢者要着大眼目看他一生精魄所注處孟子道接素王功開后裔真個是天下萬世有一無二的須看他擔天下之大統救天下之大勢轉天下之大機何謂大統見知聞知是也幾希是也這渺小的物事要他何幹却說堯以是傳之舜軻之死不得其傳焉原來這幾希是生天生地生人的人之生也與天開地闢水綠山青鳥啼花笑同是一樣風光一團種子各各帶得乾坤來便須各各帶得乾坤去所以纔說幾希便關着倫物世界便與天地浮沉人心顯晦

不認此個
便與草木
同腐也

亦有分數

閒者自閒
忙者自忙

同生共死了上古聖人各顯神通隨時遇地都全盤
捧出堯舜聖人以揖讓任持他湯武聖人以征誅洗
蕩他卽至權所不在一籌莫展如孔子之一部春秋
孟子之一副舌頭無開無係當時煞甚寂寞怎知他
滿腔熱血運世精神全靠這裏盡挺了移星換斗握
乾定鼎手段不曾輸虧些兒也看他好辨章說個不
得已來何等關切天下都此蠢蠢然待暴待仁待正
待邪的東西云何別人已得他却已不得此所謂維
天之命於穆不已也天以生物爲心故萬古來無日

不生天之於穆天之幾希也聖賢與宇宙民物合成
一套只此生生主意彪勃將來容忍不任獨了不得
人之幾希人之於穆也無此個心緒雖修道迪德矜
名惜節只是個小人儒不干靈苗上作用不干古來
開闢人品矣這裏定得眼目方曉孟子是個亞聖與
孔子是個授受一堂的此所謂担天下之大統也然徒有此心腸
而不曉得天下大勢何處極重當何幹旋如庸醫存
心救人粗集古方而不知病體安能起死回生司馬
德操云俗儒不識時務識時務者在乎俊傑事變且

若只禁殺而不從這一點刮出終屬空談

然、何、況、世、變、何、況、心、變、當、日、戰、國、之、天、下、只、被、戰、爭、弄、壞、了、所、以、戰、爭、纍、纍、者、只、為、君、心、錯、下、一、點、要、開、疆、闢、土、要、富、國、強、兵、流、毒、出、來、便、至、殺、人、盈、野、而、不、可、解、救、如、梁、王、擘、頭、說、個、有、以、利、吾、國、乎、此、便、是、南、辱、東、敗、死、長、子、的、勾、當、如、齊、王、擘、頭、說、齊、桓、晉、文、之、事、此、便、是、興、兵、構、怨、危、士、臣、的、勾、當、然、當、時、父、作、子、述、朝、講、暮、修、以、至、結、勒、憑、軾、之、士、都、以、此、為、窟、宅、俱、弄、得、慣、性、了、雖、至、殺、人、父、孤、人、子、鰥、人、夫、寡、人、妻、只、當、得、尋、常、事、眉、兒、上、皺、亦、不、皺、且、不、特、戰、場、中、殺、氣

代代有個弊力處當思風俗心術何處結重

沟、沟、并、其、廟、堂、所、區、畫、獨、知、所、擬、議、者、盡、都、是、嗜、殺、心、肝、何、也、驅、民、於、死、是、何、等、事、勢、不、得、不、重、法、于、戈、擾、擾、科、稅、不、給、勢、不、得、不、重、征、於、是、管、商、之、功、利、申、韓、之、慘、刻、孫、吳、之、兵、法、蘇、張、之、游、說、交、驅、當、世、士、非、此、不、學、也、君、非、此、不、接、也、吾、孟、子、孤、掌、群、鬧、之、中、舌、戰、如、簧、之、世、東、馳、西、突、不、遇、老、死、而、必、不、肯、舍、所、學、以、狗、是、何、等、根、器、何、等、識、力、其、獻、于、君、者、則、曰、言、仁、義、不、言、利、也、道、王、無、道、桓、文、也、深、耕、易、耨、以、之、易、刑、罰、稅、斂、也、五、母、雞、二、母、彘、以、之、易、士、臣、甲、兵、也、其、告

今猶有隱
急入人心
術處

于士若臣者。則曰以仁義說秦楚矣。曰引君當道志
仁矣。而又塞其必趨之路。揣其必避之塗。形格之勢
禁之曰。後必有災。曰善戰者服上刑。曰不仁而得天
下者。未之有。雖與之天下。不能一朝居。句句是對症
藥劑。活人手段。卽當時褻如充耳。然後來秦政項籍。
果不出所料。而漢唐諸君。皆從不嗜殺一語。立定基
業。于是巨盜魁虜。少有志者。如建德世克伯顏輩。猶
能戒殺。殊勝七雄遠甚。則仁人一言之利長也。向非
七篇所傳。別黑白而定一尊。申韓管商之學。安知不

流毒萬代乎。此猶其顯者也。至於楊朱墨翟。以高妙
超卓之品。羽翼聖真。而英銳之徒。從如歸市。又孰不
望旗而靡。涉塵而奔者。則又惟是吾孟子。獨識破他
無父無君。率獸食人。而盡力排之。與之爭割裂離跂
之世界。而授之畫一。觀其言曰。能言距楊墨者。聖人
之徒也。其孤危寡援。如此。蓋已使盡生平氣力矣。此
等神心鬼眼。有誰勘破。後來孔宗大明。如日中天。萬
世殺人學術。又得他撐住一番。這兩番功課。摧陷廓
清。澤在萬世。信非伊呂翊運之臣所可及也。
此是救天下之

此正經世
度世軟活
處不可不
知

一段生龍
活虎

蘇季子用
此手段取
六國相印

大雖然此如醫家識得病勢能用對治矣然不曉得
勢扶植元氣隨方應變未免攻劫太重瞑眩昏瞶而於
活人心處終未入妙却又看他輕輕着手隱隱迎機
如小鈎引巨魚相似如扁舟翻怒濤一般是故貨色
痼矣引之至王則曰公劉如是大王亦如是也樂勇
係心矣引之公樂大勇則曰欣欣喜色在斯一怒安
民在斯也在沼則言沼鴻鴈麋鹿都把來洗發一番
在堂則言堂牽牛爨鐘都供我撥轉物料將一個刀
山劒樹的君心點綴得慈祥滿世了以至世界之中

濁亂之代惘惘焉生不覺不知白地叫他回頭他抵
死亦不肯認則又從其知痛痒處而指點之曰若乍
見有先王也若夜氣中有仁義也若嘖蹠中有賢者
也這分明是點鐵成金手段又教他寔落下手處令
人為堯為舜徐行卽是為舜為蹠孳孳卽分這分明
是個縮地法將一個梗麻頑石的世界點綴得個個
神通步步顯化了所以能還魂換魄起死回生者在
此當時之天下雖叫得不靈而千千萬萬世人心却
被他布下種子也此轉天下學者認得大統隨勢迎

機雖極難爲之時。自然忍不住手。自然會作生活計。不枉了與堯舜禹湯共頂世界耳。有志者勉之。

○周子傳心二程重整乾坤

自唐漢以來。訓詁詞賦以學聖道也。全似倡優。至周子始約而歸之性命。又有二程起而光大之。人人知堯舜可爲而古先心法。治法燦然復明于世。得道者幾半天下也。可不謂功乎。大程純粹明備。已是再生的顏子。而伊川師嚴道尊。徧淑后學。亦殆與孟氏無兩矣。故三師者定有一時報功崇祀。與曾思孟俱無

極也。請拭目俟之。

○○朱子弘毅持世

朱子力行規矩甚嚴。爲後學所不便。故今時顯然罵爲迂濶。不知當理學大明。摸心擬性之世。而曠脫厭棄機關。卽伏于此。非朱子撐持一番。則潰裂久矣。當時禁道學。籍僞學。指邪氣。其群鬧者有韓侂胄之優

當理學盛而伏衰以朱子大力砥之

人。有林栗之仗異。有王淮陳賈之修怨。六經孔孟爲世大禁。正心誠意爲上厭聞。繩趨矩步之士。屏氣伏息。趨炎軟節之徒。自名他師。而熹獨以身担道不難。

朱子不輕
談性天是
度世深心

不疎表章無遺書。汲引無虛日。劄子封事。抉髓洞胸。社倉荒政。救焚拯溺。處進退則一步不苟。撻讒謗則百折自如。淑後學則多賢。疏出嚴律身則四勿不違。故雖攻擊者衆。而德望猶足以彈壓之。屈于一時。伸于後世。鄒魯濂洛之學。如日中天。固朱子之教也。

當江西學者。制行未純。而昂首揚眉。自命得道。固非無見。然浸假敝矣。近世漸此一途。傲脫成風。尤宜崇守朱教。以表儀天下也。任重道遠。守先埃後。如其仁。如其仁。

○○王陽明性學開關

是大聖心

陽明之學。以萬物一體爲宗。其答聶文蔚一書。曲盡俗學之弊。備寫公善之則。且曰。人皆病狂矣。吾得而不病狂乎。人皆喪心矣。吾得而不喪心乎。所以畢世叫呼。委身度人。願重力猛。無時休歇也。人但怪其排擊朱子。不無勝心。此亦是火氣未淨處。孟子而下。不能無之。安可揜其開天闢地之功也哉。自陸子靜以德性立教。于義利王伯最爲喫力。而學者多不緊嚴。故朱子引繩切墨。救其狂。自朱學流爲義學。見解日

總看極重
挽之今又
病在不緊
嚴矣

漸紛岐操履日漸傀儡故陽明剖肝析胆破其支皆
是聖賢不得已苦心其于師世淑人各有攸當也今
不問朱王同異但求寔有入手處可修可證又須以
二尊師之心爲心救世度人然後于讀書爲無負耳

僻學諛行敗壞風化之報

此非有殺人之名而流毒人心敗壞風化其爲亂
賊倡不少也世有聖人必慎坊其微而剪之待其
殃及世道天地誅戮則已無及矣

○少正卯行僞而堅兩觀著戮

○○專諸聶政等習險而悍磔骨分屍

戰國時有此一號學術最爲可恨以死爲能以橫爲
勇至于弑父與君亦自謂雄奇如專諸之剝爲肉泥
聶政之刮面剗目要離之燔妻子斷半臂古冶之爭

春秋書之
曰盜

狂悖之極

二桃殺三士，皆其平生馮陵稔惡已極，而自受天誅者也。又有途中兩壯士，抽刀相啖，夢中受人辱痛，恨自死。此皆好勇爭名，無所發惡，與猪狗就磔，何異志士殺身求仁而此乃以殺身成其大不仁，尚得為勇乎。羅貫中作水滸，卓吾取李逵，正隱隱入此氣脈。此等風若長之助之，不知何紀極矣。

○○商鞅、吳起、韓非、李斯俱以刑名就死。

彼皆自謂信賞必罰，平天下如指諸掌者也。然與寧失不經好生大德者相去，何逕庭哉。鞅以徙木立信。

今人狃有入此者

生人殺人 闕頭

起以布幅去妻，非若斯俱以督責致治，卒毒天下而身隨之，甚矣刑難言也。若從名法上運用，無得情哀矜者，以為之主持，則往往流入這邊去，而恬不知，猶以為生道之殺也。此聖人教人必自乾元處安身立命，而於刑名法律一切不任乎。

○○何晏、鄧颺、夏侯玄、王衍俱以清談見誅。

晏好老莊之書，與夏侯玄等競為清談，祖尚虛無，謂

六經為聖人糟粕。今玄虛傲晚者易墜此習繇是天下士大夫爭

慕效之，遂成風流，不可復制。然晏嘗問輅作卦，得至

今學士家 解脫禪乘 或間入此 一途

已為正眼
勸破矣

三公否則是勢利中人也。輅曰：君侯位尊勢重而懷德者鮮，畏威者衆，殆非小心求福之道。則是恣弄威福，中人也。內多欲而外談虛空，祇成一個放浪解脫。恣情自快而已。及曹爽之難，晏等皆夷族。○玄才不遠志，嚶嚶凌人，竟死於難。第其操履廉潔，比諸君猶為可稱者也。○王衍詣舅羊祜論事，辭甚清辨，祜無以難然，意不然之。衍拂衣去，祜謂賓客曰：是子方以盛名處大位，然敗俗傷化，必斯人也。衍善清談，宅心事外，名重當世，人爭慕之。然首與弟王澄、王敦分居。

媚子骨

搖尾乞憐

高要為三窟之計，則鄙夫患失甚矣。後晉事敗，為石勒所執，具陳禍敗之繇，計不在已。且言少無宦情，臨死

猶誑人

因勸勒稱尊號，與以自免。勒曰：君少壯登朝，居

重任，何言無宦情？壞天下者非君，而誰？夜使人排牆

殺之。衍將死，嘆曰：吾曹雖不及古人，向若不祖尚虛

浮戮力匡世，猶可不至今日。

其言也善

害天下，猶不悔悟，到死臨頭，乃露出跟脚了。此等人，豈復有人心。

○周顛盛名放達，身譽俱損。

凡破國亡家先壞其禮

最投時好

肯會高雅

且鼓衆曰不如此不豪

顛素有宿望自渡江後沉醉無虛日人謂三日僕射又嘗悅一人家婢即於席上露其醜器其失檢如此庾亮曰周侯末年可謂鳳德之衰也竟死王敦之難清談轉而放脫又轉而酣酒轉而縱淫樗蒲其始皆以真率自然為宗者也而禍竟至此矣世之敝也見繩趨矩步之人始而畏之積漸而咲侮之其於酒色賭蕩之場始而私之積漸而縱橫之甚至放者鼓焰成風守者束縛不展而世愈不可為也陶侃語人曰大禹惜寸陰吾人當

惜分陰豈可逸遊荒醉生無益于時死無聞于後哉又取叅佐酒博之具悉投之江曰樗蒲者牧猪奴戲耳君子當正威儀何有蓬頭跣足自謂宏達耶吁侃于晉俗可謂砥柱矣視周顛輩孰優孰劣乎

○楚王英佞佛祈福作逆見誅

漢明帝得西域神來雖楚王英最先好之竟與方士造作圖書有逆謀廢徙丹陵自殺此亦韓文公所謂事佛彌謹得禍彌酷者也大抵佛教欲人明心了性

世多買櫝
還珠

是以動儒
者之闕

衆惡莫作諸善奉行而善爲宏濶勝大之言以勸誘
愚俗所云經懺借以挑動修行之一訣耳而奉者率
爲福利所囿既切福利便生希冀一倡群和愈覲非
分其勢然也今但以慈悲清淨爲宗則佛在徑寸而
所謂慈悲者亦當隨在力量至真至滿如君相自有
君相慈悲守令自有守令慈悲若必披緇誦經登壇
作福便是仗着金木土偶而自家活佛埋却也其不
爲楚王英者幾希矣

○○○王安石以偏僻我見靡爛士氣貽禍宋室

王莽謙恭
飾節時亦
是如此

司馬光曰人言安石奸則毀之太過但不曉事又執
拗耳然觀其忌伎冒疾詐善揜惡黨同伐異強辨蔽
明儘是奸宄老泉曰士之不近人情者鮮不爲大奸
慝盡之矣孟子云訑訑之聲音顏色距人于千里之
外而與讒諂面諛之人居安石之謂也故一時豪杰
排擊殆盡而奸佞者皆依世以取功名至使學術大
行凌人肺腑家傳戶誦莫知其非而宋之敝極矣高
宗時陳公輔言今日之禍寔繇公卿大夫無氣節忠
義不能維持天下平時既無忠言直道緩急詎肯仗

安石大有
愚天下意
思

此段與卓
吾絕似

節死義豈非安石學術壞之耶。安石政事壞人本學
術壞人心。三經字說詆誣聖人破碎大道非一端也。
春秋正名分定褒貶俾亂臣賊子懼。安石使學者不
治春秋史漢載成敗安危存亡理亂為世龜鑑。安石
使學者不讀史漢。楊雄不死王莽之篡而劇秦美新。
安石乃曰合于孔子無可無不可之義。馮道事四姓
八君。安石乃曰善避難以存身。使公卿皆師安石之
言。宜其無氣節忠義也。勘破安石亂原可謂切中當
時諸賢未必知其流弊至此也。疏入即授左司諫。賜

三品服

○○○李卓吾以放脫俗情簧鼓世趨自罹天憲

王安石甚谿刻然有寬處。如公輔所稱是也。又李定

不丁母艱。安石亦偏護之。蓋中其所欲不復顧名檢

也。卓吾甚放浪。然有嚴處。如見道學名流犯其所忌

即肆其詆毀是也。大畧世皆寬于收流俗而苛于求

聖賢。卓吾政墮此見。是以放而有才性者。既賞其真

狂。放而無才性者。亦賞其真俗。皆謂即此是道。修而

有破綻者。既嗤其偽行。修而無破綻者。亦嗤其迂濶。

二子病俱
在敢字我
字如字

欲率世趨
何途徑

必、搭、擊、之、而、後、已、要、不、過、忌、前、傲、慢、媚、世、求、名、之、念、
為、之、祟、耳、士、大、夫、幸、平、心、破、此、一、根、

公善獎善之報

此集顯化第一

○○○遂寧周箎常演說太上感應篇增其祿壽

周箎獲感應篇逐日觀閱又好與人演說紹興二十
一年暴死經日還竟謂其妻曰有人追去陰司見庭
下皆立籃縷人若有力士執州府旗號管押箎被驅
立本府旗下盼左右半是鄉里餓死者心甚恐怖俄
頃呼至殿下瞻殿上坐者如人間畫星官像呼箎諭
曰汝本在饑饉籍中以汝欽奉太上感應篇為人演
說汝雖行未及一二然聞而回心為善者多亦有行

箎不說太
上感應篇
便是這樣
鬼講之不
輟便成大
道仙宜何
從焉

持而證仙果者皆因汝之功今一槩追至已為汝注
 壽祿籍訖放還之後堅固善心可証大道不復來此
 箴既出忽見一吏戒曰汝還陽間宜更將太上感應
 篇廣行流布若一方受持則一方免難天下受持天
 下豐治傳受之士功業不淺非但脫水火盜賊疾苦
 之厄可求男嗣添注壽祿富貴之籍富貴之士可得
 神仙箴因醒以其事警世

獨為善事何有了期若得大力量人同存此意
 則所救濟何限大畧化一曲謹人不如化一豪

得人謂仁
 况化人乎
 獨了者善
 量幾何

欲化人先
 化心

傑人化一卑賤人不如化一權貴人化近人不
 如化遠人在在言善言行善事交游善人要得
 此善脉滿乾坤界則福德自是滿乾坤界矣舜
 之大德亦只是樂與人為善一味却便歷山雷
 澤以及有虞天下個個精神人人風動然非雄
 心戾心我能我會之心脫化淨盡固未足與於
 此也

○ ○塾師勤教道數十年易窮苦而榮達

義命書曰昔一士子赴省試甚慊意在京華待榜因

轉心卽是
換骨

令人只覺
時有意思
便望報了

遊僧寺廊廡下有鬻相者遂扣之相者曰公骨相寒苦縱才高班馬文過韓柳亦不能成名士子不信揭榜果黜再往問終身果何如相者曰以公之骨相豈敢相許若於功名用心之切莫如種大陰德或可以迴造化士子歸途心口自語我貧窮濟人利物事安能爲之何以種陰德徐思我平日嘗見爲師者多誣人子弟我從今只留心教道以此種陰德後數十年復與試往省復懷意尋寺中相者尚在一揖相者曰公丰神照人定應榮達高中無疑揭榜果然士子往謝曰何向者拒我之峻今日許我之確耶相者曰某不記士子述前事相者曰公形骨俱換矣留心教人非陰德而何宜造物之默相也

提督學校及教授等官曉得此意則英才樂育爲利溥矣長吏之於化民也亦然教人以善原在分財之上特人未必知之也

○宋登誠於教道子孫皆登第

登仁宗時人爲塾師善於誘掖又能遇人以誠其後子孫皆躋祿仕熙寧九年神宗第進士時登長子宋

前輩尚以
德行訓小
兒令殆無
有也

縮已爲翰林學士侍立上前及唱名第續及二孫皆一榜進士上顧而笑王恭從傍稱美曰此其父至誠教道所致也出陰騭錄

○王文康父盡力教授朱紫滿朝

文康父家貧翁所教者村童然必盡職晚得一子卽文康也登第歷位宰相有二子官至學士孫二人皆爲大夫子孫相繼朱紫滿朝出陰騭錄

教人之利甚溥爲德甚大契之司徒六百年天子孔之木鐸萬世皇祀卽是此意而充拓得盡

更難

小兒且父易化惟在童師用心耳

者也人患不用心耳

○○○陳瓘好獎人善官至宰相

瓘字此錫性甚謙和與物無競對人議論多取人善雖短未嘗面折微示警之人多退省愧服尤好獎勵後輩一言一行苟有可取者卽譽美傳揚以稱人善謂已不能後官至宰相謚忠肅

妙哉舍已

獎善之益弘矣勸一人以勸千萬人使元善真種遍地發生大舜之大德只是隱惡揚善纔隱惡揚善便是與人爲善故孟子云聞一善言見

實喜之則揚道自不

一善行若決江河此正舜之大大聖處又如樂
 正子只是一味好善便說優於天下此其間聲
 氣相噓不疾而速殆有神行也居官及名士人
 知此意利益不少恨不得多哀數條以告語人
 間耳

○○○陳寔以德化行里閭子孫世德貴顯

寔字仲弓潁州人平心率物鄉人爭訟輒求判正寔
 為諭以曲直開以至誠皆感動退而言曰寧為刑罰
 所加毋為陳君所短歲歉民窮盜夜入止於梁上寔

直裁短他
必不能設
此情景

所化不既
多乎

陰見之呼子孫訓曰人當自勉不善之人未必本惡
 迫于饑寒習久遂至為非如梁上君子是矣盜驚駭
 投地稽首請罪寔曰視君狀貌不似惡人宜克已反
 善遺絹二疋以歸自是邑無盜者後除太丘長以三
 公徵不起享年八十四海內赴弔祭者萬餘子紀謚
 齊德時稱二賢紀為尚書令紀子羣為司空並著高
 名時號三君

按寔本與膺滂齊名而獨無纖芥之禍者彼專
 嫉惡此專揚善故也其入人也甘而不拂而變

化已多矣郭泰亦同此意云

...

...

...

...

...

口業變亂善惡之報

○○○祝期生性好短毀舌創歲餘而死

期生為人儇薄見智愚妍媸貧富皆輕侮之評品之

不是妬忌
便是有求
不獲有望
不遂

官則發其陰邪士則發其隱曲無可擬議者則巧求

其短以毀之晚年病舌黃每作必須一刺出血數升

乃已既而復作又須刺之一歲作者五七次痛苦切

至殆不可言竟至舌枯而死見太上感應篇註

此等人孰不畏其口者乎亦豈不自謂豪傑能
幹而無識小人有不從而和之者乎然其影射

以舌報妙

禍人及誣謗不少矣。視舌猶存，當任他快而已。

○道士章齊一好嘲誚人，後嚼舌而死。同上

○聶崇儀好讒謗，詆毀竄死道傍。

崇儀能詩好嘲，雖僚友所不問，人有醜行，必形於詩。

繇是盛傳，不復可揜，甚至破人婚姻，隔人眷屬，竟坐

謗政，竄死登州。藁葬道傍，人無不唾罵稱快焉。同上

○張瓛若好訐議人，舌出數寸死。

瓛若居湯家巷，好議人過失，發人陰伏，雖至戚莫逆

交，面後即媒蘖其短。正德己卯，行過南教場，空中飛

皆自謂公
憤見不和
之者必咲
為叫嚙

一石彈，正中其額，還家流血斗餘，舌出數寸而死。

○○楊詢好從臾人惡，自當其罪惡疾而死。

詢性巧媚，善揣知人意，慫慂之以得其歡。丹陽縣尹

楊開性暴橫，果於決責，與詢最厚。每事必訪。佞口之
力也。

詢明知其非，不敢有所忤意，助其所為，嘆盛美而已。

開一日盛暑中，杖公吏及囚繫者四十餘人，二人死。

詢猶盛稱其快。後詢夢至一處，金紫者譴之曰：成楊

開之惡者汝也。開罪當坐，無所避。數日果中惡疾而

死。出太上感應註

必定云懲
惡宜如是
剛決也

此等人脅肩諂笑總要求人歡悅騙人東西而已孰知成就人罪過不少哉然此等人無不親而愛之者是以疾爲藥也○此等業縉紳多墮之欲以讚嘆得當道者歡心耳不知彼肯詢問某事亦是善關可啟讚成其誤非吾惡乎且有無因而誦某事處得快當者此必有事私囑先發諛舌耳故凡能直言則直言不然則默此默時仁心已發不透矣况變亂是非以阿人意者乎

精修大道

世盡是血肉軀談仙似屬可笑然記載信有之卽歷代封號及脫迹度人種種可據且如物之精者竊天地靈氣日月光華皆能長生變化而况于人
要只在心堅力勤又在積德累功心到便是緣到
德厚方能福厚而其指歸必極于修性修命忘我
忘人而後爲至焉蓋不修命則宅舍易壞不修性
則報盡還來然要不外人倫日用中練已返視却
聽裏存神則固與儒術相爲表裏也人道卽是仙

至修性處
亦是此心
此德

大丹

此近吐納
中乘法然
可用

耐久

道是在修之謹依紀載所及略標其槩

○有鍊神氣法

容成公鍊精玄牝其要谷神不死守生養氣髮白復黑齒落更生○范幼冲旦旦存青白赤三氣各如縊從東方日下直入口中挹之九十過覺飽止行之十年身中自有三色之氣遂得昇仙此內景法

○有固想法

莊伯微不知求道惟以日入時閉目握固想崑崙山積三七年得見崑崙山仙人傳金液方成道

○有服食法

宋倫及皇太姥俱服黃精能呼風乘雲○赤將子與不食五穀而噉百花草能隨風雨上下○毛女食松葉身輕如飛○古丈夫初餌栢子後食松脂歲久凌虛毛髮紺綠○王興服一寸九節石菖蒲遂得長生

是有緣

漢武帝祠中嶽神忽有仙人長二丈耳出頭顛帝禮問之言此方遂失所在帝及從官遂採服之皆覺悶而止獨王魯生女初餌胡麻漸絕火穀九十餘少壯

色如桃花○吉志通居武當山十年不火食但餌黃精蒼木行步如飛

○有事天法

桓闔為陶弘景侍者常修默朝之道親朝上帝九年忽仙仗白雲車逝之而上昇

○丹慧

玉子

姓章名震

周王徵之不起嘆曰人但貪富貴不知養

性命氣絕雖為王侯金玉如山何益惟有學仙可以

無窮乃師長業得道○雷隱翁業進士再試即棄去

嘿坐終日或謂其癡翁曰終不以吾癡易汝黠

亦是火功

○朱橋臨池顧影倏然警悟遂厭名利慕修煉一日

誰肯痴

此理現前人直為狂炎所中

遇道人曰子何所慕富乎貴乎惟汝欲橋曰人生富貴如海上漚空中雲何足慕惟神仙不死所願學也道人教之後屍解去

○丹訣

至道之極昏昏嘿嘿無視無聽抱神以靜形將自正

廣成子

○古先生善入無為永存綿綿

老子

○裴航

曰老子云虛其心實其腹今之人心愈實腹愈虛道

無繇矣再問之曰心多妄想腹漏精液虛實可知也

人自有不死之方還丹之術○白玉蟾指玄牝為念

呖咲無念無念便成

須有功夫后方不至伏火

延吉金 卷之六
頭起處自有妙理又云一貴乎守。迴風混合終日如酒妙妙

○丹頭

蘭公許旌陽精修孝道受孝弟明王秘訣。○呂真人恐誤千年後人則功行已滿又欲度盡衆生成道。○王慕值天下饑疫於靜室飛章告天祈救生靈夜感神人語之曰子念生民吾今得盼子矣竟得仙教

○守丹火

傳先生學道精思七年遇老君與一木鑽鑽石成窠可得仙乃鑽四十七年石穿仙人曰志堅矣授金液

論極恬神

丹仙去。○馬明生隨王夫人入岱山試以鬼怪狼虎不懼挑以美女不動夫人曰可教矣得丹白日昇天。○郝大通坐橋下不語小兒輩戲累瓦磚爲塔於頂囑以勿壞頭竟不側。○譚處端勸鬪被打折齒不怒曰謝他慈悲教誨。

○結丹緣

鄧去奢精思道術忘疲任處州卯山拱嘿靜想感神人謂曰張天師有斬邪劍一口并一石瓶丹在大石下可取之奢以石天造非可用力謝之神人首肯曰

師王重陽
聞之云一
拳消盡平
生業

不在強求

但勤修無怠。劔丹當自致。後三年。神自取付之。能役雷電。白日昇天。○析象謂多藏必厚亡。散千金以賑貧乏。成屍解仙。○于吉精修苦道。忽得痼疾。感老君授以經。消災治病立愈。○劉德本散粟數萬石。活飢民。遇老人引入誠真洞天。曰。以你行善。故許到此。後飛昇。○張紫瓊遇太虛。求金丹不與。因其施丐錢三十文。乃授之。得仙。

○○尹喜損身濟物而拔宅

喜隱德行仁。大度不修俗禮。損身惠物。不求聞達。為

誰託決意
求此

三年功萬
年福

眇眇知真
否

周康王大夫見東方紫氣西邁。知聖人當過。乃求為關令。敕關吏候異人。老君果白車青牛度關。吏白喜。喜即朝服叩頓邀留之。老君詭拒再三。見其識真意。懼乃留百餘日。盡傳內外修煉之法。遂聳身而去。約以千日。可尋於蜀。青羊肆。喜屏絕人事。內修三年。具臻玄妙。乃往蜀尋訪。見一童子牽羊在市肆中。因問此誰家羊。答曰。我夫人生一兒。愛玩此羊。失來兩日。啼不止。今尋得。欲還。喜囑曰。為告夫人之子。尹喜至矣。童子以告。兒即振衣起曰。今喜前來。家忽高大。兒

神明變化
何所不至
凡眼安能
測萬一

快哉

已外身矣

現數丈金身。坐蓮花座。謂喜曰。吾向以子沿世來久。早悟深染息愛。初受經訣。未克成功。是以待子於此。今保形煉氣。心結紫絡。面有神光。金名表於玄圃。玉札係於紫房。已得氣參太微。解形合真矣。即召眾真授喜玉冊。位為無上真人。長幼二百口。即時拔宅昇天。

○彭宗捐軀事師而飛昇

宗學於杜冲。嘗從採藥。忽墮深谷。傷重危困。良久蘇。息肅恭如初。又使之採樵。被蛇毒。亦無愠色。冲憫之。乃授丹經及守一之法。宗寶而修之。日臻幽妙。能三

日為一息。以氣禁毒。獸不動。年百五十歲。如二十許。迎為太清真人。

○茅盈蚤覺世為真君

盈少秉異操。獨味清虛。年十八。即棄家入道。得見王母。授太極玄真經。歸。父母怒其遠遊。欲杖之。盈長跪曰。盈已受聖師符籙。有天兵侍衛。恐相阻。父故杖之。折成數十段。始知其道成時。二弟衷固俱為太守。並

見弟貴乃
能早自割

之官。送者數百。盈笑謂客曰。吾雖不作二千石。來年四月三日。送僕登仙。當不減今日。眾皆不許。及期。地

一場開熱
神仙不作
此態喚醒
俗腸耳

忽自闢青幄白瓊容數百人衆賓並集大作宴會杳
無使從金盤玉杯自至奇殺絲竹滿前蘭麝之香達
數里外少頃仙官畢至旗仗耀日盈乃與親友辭別
乘雲而去時二弟聞兄飛昇皆棄官求之盈與相見
曰悟何晚也今年已老難補復縱得真訣只可成地
仙耳於是授以訣長齋三年始轉上道號三茅真君

○○○張道陵降妖代襲真人

子房八世孫初舉賢良方正身雖仕而心在修煉和
帝封侯不就隱鶴鳴山山有石鶴每鳴則有得道者

緣視其心

苦盡甘來

陵苦節學道嗇氣養神鶴乃鳴鍊龍虎大丹年六旬
餌之如三十許遇神告曰北嵩山中峯石室藏三皇
內文九鼎太清丹經得而修之乃昇天也於是齋戒
七日入石室足所履蹻然有聲掘之得丹書精思修
煉能飛行遙聽分形散影正月十五夜老君下降令
治蜀鬼以福生靈則功德無量乃授正一盟威秘籙
及經訣劔印真人按修千日內顧五臟外集三萬六
千神又感玉女教以步罡履斗隨其所指隱遁自如
於是與鬼王戰畫山分海驅喚風雷衆鬼滅影而遁

如此大功
尚以殺敗

人鬼一性
殺机之不
可動如此

一日老君再降。徘徊雲端不下。真人拜泣候之。老君曰。吾昔使子入蜀。但區別人鬼。以布清淨之化。而子殺鬼過多。又擅役風雨鬼神。殊非大道好生之意。上帝正責子之過。故吾不得近子也。子且退居。勤行謝過。九年方得上昇。後又賑灾除妖。功德益茂。乃得朝元。始天尊拜正一大法師。子孫世襲。

真人於法力進了。又進于功行。修了。又修道善之無窮至此也。學者可纖毫止息哉。

○○○許真君合眷飛昇

功滿

未有此法
則度人救
濟滿量其
亦可矣

諱遜。生而穎悟。嗜神仙修煉之術。師吳猛。受法為旌。陽令。教民忠孝慈仁。發伏如神。以符咒治疫。立愈。拜誦姆。受孝悌王之道。歸除妖社。禁烹祭。兩次誅蛟。又殺巨蛇。首高十餘丈。吐毒衝天。真君飛步劈之。蛇腹裂。有小蛇。自腹中出。長數丈。甘君欲斬之。真君曰。彼未為害。不可妄誅。吾去千餘年。小蛇若恣。當有八百地仙誅之。真君道術高妙。求為弟子數百人。却之不可。乃化炭為美婦人。夜散弟子處。明旦閱之。不染者十人耳。則甘施及同飛昇諸君也。餘皆自愧去。真君

大孝大友

一百三十六歲仙官賚詔授高明大使職封三代與父族母部仙眷四十二口拔宅昇天鷄犬亦隨

是亦人性做得者善如許大福亦如許大矣共勉之○學無邊法力乃色根弄人先守不得談何容易

○○○呂真人萬劫度人

心滿

他人得無
餒乎

洞賓二十不娶兩舉進士不第遇雲房求度世術雲房日子骨節未完須更數世遂別去呂竟歸隱煉性雲房十試皆過嘗鬻貨於市定價後只酬半直呂無

外身矣殺
生矣

卽此是

所爭委貨去又遇丐者與之財物而求索不厭且加評詈呂惟再三笑謝又化美女調弄百端竟不為動又盜劫家私空盡了無愠色鋤地得金頓捨之又見衆怪鬼欲擊欲殺絕無所懼復有夜叉械一死囚血肉淋漓言汝宿世殺我當償命呂曰殺人償命宜也遽索刀欲自盡忽聞空中叱聲神鬼皆沒一人大笑而下卽雲房也日子心無所動得道必矣但功行未滿可修黃白濟世呂以三千年當化原質恐誤後人不願雲房卽傳上真秘訣後兼火龍天遁劍法遂除

何時可滿
孰肯就度

能自脫胎
換骨即是
長生

蛟害誓願度盡天下人方始上昇故長游人間神通
妙用變化莫測

神仙之道即在人倫日用間而後世帝王耽嗜
佛老往往廢治弊在以迹索之而不探其理也
上元夫人謂武帝曰汝胎性暴胎性淫胎性奢
胎性酷胎性賊雖慕長生祇自勞耳軒轅集荅
宣宗曰絕聲色薄滋味哀樂一致德施無偏自
然與天地合德日月合明雖堯舜之道可致况
長生久視乎然則人主何必舍大取小哉

左道惑眾之報

得妖術可欺世者皆其福緣極大古人云得隱形
術三年而不試者必為仙也又云君有黃白之術
而不輕用可以入道蓋修真者以刻迹埋光度人
救世為主若仗些小伎倆眩惑於人便是名利根
未脫視道遠矣况於為非詐冒者乎青天白日豈
容此魑魅視形誑世也

宋子賢幻術集眾被斬

隋煬帝時唐縣宋子賢多幻術樓上放光變化佛形

有此巧終
須歿

自稱彌勒出世。又懸鏡堂中。有來謁者。令照來生。作蛇獸形。教以禮拜。乃現人相。或聚數千人。潛欲作亂。官捕之。遠居皆火坑。不敢進。師曰。此地素無坑。止妖妄耳。及進。果無火。遂擒斬之。願良民毋為所惑。

○○胡僧幻咒殺人自死

從西域直
來就死

唐太宗時。西域獻胡僧。咒術能死人。能生人。取壯勇者。試之。皆驗。帝以告。傅奕奕曰。此邪法也。邪不勝正。若使咒臣。必不行。帝召僧。咒奕奕。不動。而僧忽自倒。不復蘇矣。

○○北山道者隱形竊女卒被誅

修之千年
壞之一旦

唐時密雲令。有女年十七。姿色絕人。病踰年不愈。北山有黃衣道人。已數百年。有道術。令自詣請之。醫立效。厚謝之。月餘。女夜臥。忽有人與寢。至則昏魘。如是數夕。懼告父母。令乃移床近。已夜。伺其動。拚焉。遽命燈至。則北山道者也。縛而訊之。泣曰。吾命當終。被惑。乃爾。吾居北山。未嘗到人間。垂千載矣。蒙召殷勤。所以到縣。及見公女。意大悅之。自抑不可。於是潛形往來。今遇此厄。夫復何言。遂殺之。

愛恨不斷
故有此狂

修命而不煉性欲火一起迷着自身既有此則
道立敗矣人欲險六根魔可怕可怕

○○侯元得法作亂遂戰死

元上黨樵夫也家貧伐薪憇谷口巨石下喟然太息
恨已之勞也聲未息石忽然開若洞中一叟羽服曳
杖而出元驚前拜叟曰我神君也汝何多歎但隨我
來遂從入洞中花草臺榭俱目所未睹奇寶煥然行
觴既畢令元跪地上授以隱顯變化之術元素瘳痴
至是一聽不怠叟戒曰汝雖有少福合於至法進身

是宿有道
緣惜天壤
耳

然面有敗氣宜謹密自固如欲謁吾但至心扣石當
有應門者若曷謀不軌禍必喪生元拜謝而出石泯
然如故遂入靜室中習其術期月而成能變化百物

鮮有不狂

役召鬼魅草木土石皆成騎甲於是聚衆數千每朔
望謁神君神必戒以無稱兵上黨帥慮其變命將討
之元心計以爲我奇術制之有餘遂前突陣先勝后

習盜玄秘
遂以爲固
然矣豈知
神工能奪
去哉

敗酒酣被擒繫之府獄嚴兵圍守旦視枷穿惟燈臺
耳元徑奔謁神君君怒曰庸奴終違我教斧鑕必及
矣非吾徒也不顧而入元趨出後扣石石不爲開術

此時欲爲
樵得乎

漸歇而其黨猶慕之是秋率眾掠并州圍者數重術既不神遂斬之於陣

小人得奇術而為盜者豈少哉其始靈終皆敗若是也用以救世扶國何道不成○後若得此術者又傲然以為天授矣亦知前人以此死乎

○ ○ 汴滑妖僧飛符擾眾合寺并命

黃巢將亂中原汴州功德山有妖僧能於紙上畫神寇散入人家令人疾苦又作甲兵騰踐狀又作犬吠相齧居人不安贈金作法則患立除趨術者甚眾滑

今尚有此術

州一僧亦與此同公私患之王鎮在滑臺乃托祈禳啟道場延僧數千并牒汴州功德山一行徒眾赴之分選為首者入于公衙餘悉散赴遂拷訊之皆黃巢之黨欲以二州應賊於是誅勦無遺種

○ ○ 青城道士攝法採戰下獄決殺

蜀青城山道士能幻術引富家及勳戚子弟皆從游時於幽僻宅院中焚香設帷獨坐作法則巫山神女及諸仙姑應召而至杯饌寢處生人無異歡笑罷則躡而去皆令學者隙而窺之又忽城中化出金樓惑

乃敢恣誣
神人無忌
禪之甚

衆殊甚。滿城如狂。蜀少主擒之。累月不獲。乃以猪狗血齋行。追及。遂傾血沃之。不能施其術。下獄訊之。云：年年採民間處子。恣行採戰。死者不知其數。豪貴之家。多遭淫污。卽殺之。

世豈有穢行貪淫而成道者乎。色欲迷人。奚怪不欺。美若狂也。有此幻術。終歸一死。欲求真性命者。慎毋爲邪說所迷。○孝弟忠信。戒行修心。是爲正道。勤而行之。

○○○諸葛殷以妖妄欺高駢。毒死兩遍。

平空放潑

高駢鎮京口。求方士甚急。先得呂用之。寵任異常。諸葛殷其黨也。將詣駢。用之先言曰：上帝以令公久爲人臣。機務稍煩。遣左右一尊神佐公。不久當降。公善遇之。明日殷果至。巾褐進見。妖形鬼態。辨詐蜂起。謂可以坐召神仙。立變寒暑。駢莫測也。神靈遇之。每聽其怪說。則疊疊忘倦。繇是引用朋黨。恣爲不法。又慮言者有所漏洩。說駢謝人事。屏賓客妾媵。以復真氣。無復見之。有不得已。則令其人齋戒。祓除然後進拜。起卽引出。繇此內外隔絕。紀綱日紊。歲月已深。根蒂

有理

王公當以濟人為功德以教化為普度

遂固殷等對駢公然云與上仙來往或叱咄風雨或顧揖空中駢隨而拜之殷等指畫紛紜略無愧色左右少有異論則死不旋踵嘗以木刻一大人足長三尺五寸俟雨初霽印於后土廟後及江陽縣前用之謂駢曰夜有神人鬪于城中用之遣陰兵逐之已過江矣不然廣陵幾為洪濤駢駭然餉以黃金二十斤駢有良馬死圍人懼求救用之用之乃見駢曰用之有事命隋將陳杲仁至淮東杲仁訴以無馬望令公

大馬扁

良馬也

德量

大鳥一借頃刻廐吏報云大鳥黑汗發駢徐應之曰

用之無為事任守一逼而后應真大道手段

吾已借大司徒矣俄而告斃駢與鄭相不協用之知之忽曰適得上仙書言宰執有謀公者夜將有俠士來駢悸問計用之曰張先生名守一亦用之黨少年時嘗學此術于深井里聶夫人但請當之無不粉碎駢召守一語之守一曰老夫人不為此手足踈慢然為令公何妨令駢衣婦人衣匿別室守一居其臥內至夜分擲器作聲出彘血灑庭階如格鬪狀駢泣謝荷再生酬金玉無數諸葛殷有風疽於駢前恣意搔捫膿血沾染駢與之飲啖曾無難色左右以為言駢曰神仙

讀此知妖
術之情狀

多以此試人。汝輩莫介介也。駢一犬聞殷腥穢輒來
近之。駢怪其馴狎。殷笑曰：某常在大羅宮玉皇前見
之。別來數百年，猶復相識。其虛誕如此。及城陷，呂用
之被殺，殷竄至灣頭，擒縛入城。杖至百餘，絞死未絕。
會王師鐸母來過法所，扶起避之。復蘇，再以巨木踏
之，失罰如初。當其橫也，族人或戒之，殷曰：男子患不
得志耳。任事敗，寧有兩遍死者。及是果再行法，棄屍
道左。人爭刺其目，斷其舌，投瓦成峯。

畫及光棍樣可咲，可恨有志大道者，求之倫理。

性命其可也。若為此輩所愚，美何堪哉。

人只有一條性命，任世間活重榮辱，不敵生死。乃
為一切幻纏，迷到頭而莫覺。本不知安頓去處，如
夢中驅夢時，非無醒覺。何在？又如牽牛就屠，愈行
愈近，定有一時也。有志之士

大原無生
死無形
骸所弄假
名生死認
者不覺

人原無生死。祇為形骸所弄。假名生死。認着不受。美處便是。諸佛地位。

會王師... 之失罰如... 侍志耳任... 道左人... 其河也... 苦為... 此輩... 思美... 何堪... 造倫... 理

精修禪行

人只有一條性命。任世間浩重榮辱。不敵生死。乃為一切幻。纏逐到頭。而真根本。不知安頓。去處如夢中軀。夢時非無。醒覺何在。又如牽牛就屠。愈行愈近。定有一時楚痛倒地。光景也。間有有志之士。尋求此中。而聰慧處多。斬斷處少。貪嗔愛憎。既成種種真趣。則夢幻生死。一任汨汨浮沈。又安能超三界外。認自繇身乎。經云阿難。惟求多聞。我惟求精進。古云下手便修。尤嫌遲惕之省之。

○ ○ 菩提達摩汎海度衆化行南北

達摩香至王第三子也遇般若多羅西天二祖辨珠得

法服勤垂四十年祖逝達摩在南印度演法經六十

載度無量衆值王輕毀三寶達摩欲救之以二首座

波羅提宗勝俱造玄關而宗勝無宿因欲遣波羅提

行宗勝自恃辯慧乃潛詣王往復不契師懸知之即

令波羅提乘空而至為王說法心即開悟悔謝前非

而宗勝既前擯出愧恨投崖神人捧之不死宗勝曰

我不能崇正遏邪捐身自責神何佑為神乃說偈曰

便是有能
所有彼我

豪杰修道
人最易犯
此

師壽於百歲八十而造非為近至尊故熏修而入道

雖具少智慧而多有彼我所見諸賢等未嘗生玆敬

二十年功德其心未恬靜聰明輕慢故而獲至於此

得王不敬者當知果如是自今不踈怠不久成奇智

諸聖悉存心如來亦復爾宗勝聞偈欣然後王既禮

請達摩并迎宗勝供養之師念震旦中國也祖言緣

至乃汎重溟三年達南海梁武帝迎請至金陵問曰

朕即位以來造寺寫經有何功德師曰並無功德此

但人天小果有漏之因如影隨形雖有非實帝曰如

今專施經
誦經而不
了心亦奚
以為

如此堅勤
徒恐輕心
慢心可思

何是真功德。師曰：淨智妙員，體自空寂。如此功德，不以世求。既知不契，師潛投江北，寓魏少林寺，面壁而坐。嘿然罔測，有神光名僧者，晨夕參承，不聞訓迪。至一夜大雪，光堅立不動，積雪至膝。師憫而問之，光悲泪求教。師曰：無上妙道，曠劫精勤，難行能行，非忍而忍，豈以小德小智，輕心慢心，欲冀真乘，徒勞勤苦。光聞祖誨，勵潛取利刀，自斷左臂。師曰：汝為法忘形，求亦可得。改名之曰慧可。可曰：我心未寧，乞師與安。師曰：將心來與汝安。可良久曰：覓心了不可得。師曰：與汝

心法已了
須當知是
活的

法求人如
此人求法
乃不能然

安心竟為慧可說法，祇教外息諸緣，內心無喘，心如牆壁，可以入道。慧可種種說心性，全未契理。師祇遮其非，不為說無念心體。可忽曰：我已息諸緣。師曰：莫成斷滅否。曰：不成斷滅。祖曰：此是諸佛所傳心體，更無疑也。出楞伽經四卷付之曰：此是如來心地要門。令衆生開示悟入。吾自到此，凡五度中毒，吾嘗自出而試之，置石石裂，緣吾見神州有大乘氣象，遂踰海越漠為法求人。今得汝傳捷，吾意已終，端居而逝。葬熊耳山。後三歲，魏宋雲使絕域，遇師於蔥嶺，携隻履

獨逝問何往曰西天去雲歸具說其事門人啟棺無屍惟隻履存焉

拚命傳道拚命求法持此志何事不可為○造寺誦經是盡佛小影子以起信心今人便以影為形然為未悟者說又不得掃除恐放將去

○慧安國師乞食濟眾光呈舍利

師住嵩嶽隋大業中發丁夫開渠飢殍相枕師乞食以救之全活者眾煬帝徵師不赴貞觀中謁黃梅遂得心要武后時徵至輦下待以師禮春秋一百二十

慈悲為本
僧能實修
此行者誰

八命門人昇致林間自起火焚身得舍利八十粒五粒紫色留於宮中

六祖云慈悲名為觀音世僧供養在外菩薩不解自心如來縱奉佛千劫何能見性若存此心隨在接引專事救濟忍辱耐苦化富賑貧積久人自信之且福德既滿慧心亦現矣豈特不孤負信施已哉

○寶掌住世千歲

左手握拳斷髮乃開故名寶掌誦般若等經至千餘

有問易糞
禪師云如
何是佛師
云諸惡莫
作眾善奉
行且道是
有為法無
為法

識得無生死麼

卷嘗謂衆曰吾有願任世千歲今六百二十六矣會
達摩入梁師扣其旨開悟至顯慶二年正旦手塑一
像問其徒曰此肖誰徒曰與和尚無異卽澡浴易衣
跌坐偈曰本來無生死今亦示生死我得去任心他
生復來此凡千七十二歲

佛法本不以長生爲貴然要任卽任要行卽行
視二豎作祟鬼道現前者何如哉卽曰彼是再
來人然本來非我物事乎是在修之

○○龐蘊合家成道

可作在家樣子

說破令人失笑

無生便是長生訣

蘊世本儒業少悟些勞志求真諦初謁石頭問不與
萬法爲侶者是甚麼人頭以手揜其口豁然有省後
頭問曰子見老僧後日用事作麼生蘊曰若問日用
事卽無開口處乃呈偈曰日用事無別惟吾自偶諧
頭頭非取捨處處沒張乖朱紫誰爲號丘山絕點埃
神通并妙用運水及搬柴頭然之龐婆及女靈照俱
修禪行蘊作偈曰有男不婚有女不嫁大家團欒頭
共說無生話蘊將入滅謂女曰日午以報照有頃報
曰日已中矣而有蝕也蘊出看女卽登父座而逝蘊

笑曰我女鋒捷矣乃更留七日于公來候語之曰但願空諸所有慎勿實諸所無遂枕其膝而化

○○鄧隱峯飛空解闔

師幼不慧父母聽出家遊馬祖門而未能覩與復往石頭兩番不捷乃歸祖得悟一日推車祖展脚坐路上師請收足祖曰已展不縮師曰已進不退乃推車碾損祖脚祖歸法堂執斧曰適來損我脚底出來師便出引頸祖乃置斧嘗往五臺遇淮西吳元濟與官軍交鋒師曰吾黨去解其患乃擲錫空中飛身而過

要慧做麼

能若是否
然切不可
浪作傷生

今有此否

兩軍觀之皆罷戰師慮顯異惑眾遂入五臺示滅問有立化也無曰有問有倒立也無曰無乃倒立而化眾昇之不動遠近驚嘆師有妹爲尼乃拊而咄曰老兄不循法律死更惑人乃仆遂焚收舍利建塔似有這個在然爲未修者方便則婆心至切矣

○善覺師念佛化虎

覺住華林裴休訪之問有侍者否曰有休曰在甚處師乃喚大空小空時二虎自菴後而出裴見之悸師乃曰有客且去二虎哮吼而去裴問師何行感此師

無二虎亦
無觀音

觀世音說法

延吉錄 卷之六
聖
曰、山僧常念觀世音。只是以慈化暴耳。六祖云、迷人口念智者心行。

會盡物我無生

同意

又有曇藏師遇蟒長數丈毒氣熾然侍者請避之師曰死可逃乎彼以毒來我以慈受毒無實性激發則起慈苟無緣冤親一揆言訖蟒按首徐行倏然不見又有群盜至師曰茅舍有可意物一任將去盜稽首而散。

○○應元十日了性

應元問其師曰如何是佛師曰無心是佛曰以十日

如此勇猛定自奇捷

為期而不能無心者非應元也乃提刀入靜室念起即畫其體至十日無完膚而心已空矣問者隨叩而應少及隱微皆揜耳而忝恐是迫心所現不作聖証然捷矣

○○寺僧七日銷死

有一主事僧見鬼使至勾攝之謂曰我以事多未及修行能容數日乎鬼使許以請冥府意旨如何既去僧勤修七日勇猛精進鬼使覓其僧不見嗟詫而去

圖誰縛汝又更求解脫乎不思善不思惡阿那個是本來面目

燈五

從生至死
祇是這個
回頭轉腦
做甚麼
呼于頓頓
應諾是甚
麼

如來知非
修

便
不患念起
惟患覺遲
應無所住
而生其心
東家作馬
西家作駝
汝但縱心
自在莫作
觀行亦莫
澄心

此短行僧乃欺鬼使然可為精進之勸禪師云
肯七日不斷念頭定有悟門又云埋頭理會至
七日不悟斬却老僧首去此事人人有分只怕
泄泄視之不作焚舟計耳只見事逐眼前過不
知老向頭上來可怕

儒者或以聖闢佛或駕佛於聖此皆我見能所
謬分大道若聖與佛則安有是程子云佛亦西
方之賢者如何不敬但立法方便各隨所入到
極處無容折分亦政無事叅合也縱擯之曰獨

了曰福利殊勝浮生不知謾作惡業遠甚况中
下乘所據窟宅又皆彼宗門之所訶也若破戒
誑俗貪嗔痴殺則罪益重彼自不識佛為何物
矣○儒所走路大而員釋所走路徑而捷成功
則一今不患儒釋同異患兩無所據以私意卜
度以浮心騁辨耳能為聖賢自不須問佛不能
則借此以開迷途接異根不亦可乎至帝王經
世自非彼事并不得耽向彼徒問之蓋其形迹
遠也○有專念佛齋僧造寺者緣不識此理且

為福德所中。梁皇楚英可鑒矣。

僧家奸貪之報

○○僧惠明計娶周氏凌遲處死

必是菜婆
此等切宜
禁革

楊子江居民嬾周氏有色。金山寺僧惠明密使一老
嫗常送花粉。一日夫外出。嫗潛將僧鞋一雙。安爇下。
夫歸見鞋。怒責之。周氏不能自解。遂離歸父家。惠明
蓄髮托媒娶之。生一女。異日惠明抱女戲曰。我無計。
安得汝母。周笑問之。惠明以夫妻情厚。遂吐寔。周以
計密擊大明鼓。伸冤。上親鞫其事。惠明凌遲處死。同
房十僧絞死。寺僧衆六十。各邊遠充軍。

奸不苦肉
計也

○○僧祖惠淫從妹蓮真俱雷震死

通州海門縣景氏子出家名祖惠濫稱禪師不明本

性其伯景識之有女名蓮真適其夫失歡而回祖惠

出入伯氏與蓮真通淫其伯以一家無間初不知覺

僅兩月司命大怒往奏上蒼命雷師碎祖惠屍首于

通衢拷其魂于酆都地獄萬劫受罪又以雷火三遶

蓮真焚之不令死大書其背曰亂倫怪獸求生不得

求死不得如是三年方令入地獄受罪配入禽獸景

識之夫妻以閨門不肅各減壽紀惡疾而死蓮真之

有未報者
司命奏事
違耳然豈
能逃罪

報得震慄
痛快

姑中間知覺私受錢萬貫大刮其目截其鼻自稱曰
我同亂倫怪獸使我至此
出文昌化書

化書又云黑氣二十四道其一道是僧道淫穢

褻瀆上真一道是世人殺所生男女冤氣衝天

其他罪惡所積今通都大邑有毀禮之家或至

親或宗黨既出家者往來無間男女襍遯不知

僧道壞俗亂上天人倫背至尊教法天地震怒

罪人惡籍侮戲三教如此其惡何時可懺耶

○秦僧以焚身欺眾抵辟

人縱其欲
何所不至
當向起念
時克耳

累年被焚
衆僧亦是
業報也

有僧約衆期焚身。施錢堆積。至時果就火。士民擁仰。御史聞來視之。令止炬。扣所願。三四不應。令人升柴。棚察之。僧但攢眉墮泪。不動不言。乃諸髡縛着薪上。加以緇袖而麻藥噤其口耳。訊得之。乃知歲歲如此。先邀厚施。比期取一愚髡當之也。合院誅焉。

活身自可濟世。何事焚之。生焚已非法矣。况負心乃爾乎。

○○天台寺僧以焚身欺主了事

宋江東有僧詣闕乞修天台國清寺。且言寺成願焚

只當享盛
家耳或亦
自為福利
所愚

身以報。太宗從之。命中使衛紹欽督役。戒之曰。了事。了來。即與俱往。不日告成。紹欽積薪如山。驅使入火。僧哀鳴。乞回闕下謝恩。而後自焚。欽怒。以又又入烈焰。宛轉悲號。而絕。歸奏曰。臣已了事矣。吁。僧徒奸狡。于人主之前。敢肆奸罔如此。縱使義勇。亦非見性。况以貪昧。哀呼就焚。則何如化三昧火。入涅槃地之為深報佛恩哉。

○岐州寺主殺都維那以衣血伏誅

寺主與維那不協。殺之。分十二段置廁中。寺僧告別

人命至重
自能露奇
不關有佛
無佛

延言錄 卷之六
駕驗檢都無踪跡欲出矣忽見寺主左臂上袈裟有
些鮮血勘問之伏云當日不着袈裟有其鮮血是諸
佛菩薩所為竟伏誅。太平廣記

○五戒劫僧曇暢以托夢報殺

曇暢中京寺僧將一奴二騾向岐州稜法師處聽講
路逢一人着衲帽弊衣指數珠自稱五戒同歇馬菟
店五戒禮佛誦經至夜半不輟暢以為精進至四更
即共同發去店十餘里忽袖中出兩刃刀子刺殺暢
其奴入草走五戒即騎騾前去主人未曉夢暢告云

有以誦經
騙布施者
即是盜心

昨日五戒殺我須臾奴走到告之如夢時同宿二衛
子持弓乘馬趁及之擬以弓箭即下騾乞死縛送縣
決殺之。朝野僉載

僧家多有借魚木數珠以成其姦盜者其刻苦
令人瞻仰稍不敗露世便以活菩薩擬之睹此
能不寒心

○儋僧婦冒破施財受其冥報

東坡云儋耳城西民李氏有女病卒兩日復生余與
進士何旻往見其父問死生狀云初昏有人引去見

僧造罪乃
甚乎

同一僧何
不認取地
藏去

官府曰此誤追也當放還見獄在地窟中繫者皆僖
人僧居十六七有一嫗遍身黃毛如驢馬械而坐李
女識之蓋僖僧之婦也曰吾坐用施主錢物已三易
毛矣又見其隣里僧死已二年家方大祥持盤食及
千錢付之門卒已分數百係者又爭取其飯僧所食
無幾又一僧至見者皆驚跪作禮疑地藏菩薩也分
付此女回遂醒

施主物是供養如來者最難消受惟能明見本
性說法度人方可不負佛緣不然而盛說果報

接引未悟又不然而莊嚴焚修苦行自飭庶於
興起善力未為失耳倘隨眾作務無所短長則
一粒寸絲皆是自家業債何論貪淫以下事哉
然不獨僖道為然吾儕蠢生大造浪受供養於
世無補積惡弘多恐罪亦不減此也

○僧審言欺隱施財受業報死再生為牛

雲頂山慈恩寺四方輻輳供者甚厚而寺主審言性
貪鄙欺隱本寺施財飲酒食肉畜妻養子無所不至
一旦疾篤自言見空中繩懸一石曰有鼠嚙之繩斷

以鼠喫報
鼠竊

正中其心大，叫氣絕久而復蘇。如此數十度，方卒。逾年寺下村中，牛生一犢，腹下分明有審言二字。錄傲戒

○蜀僧秀榮與仁秀同害毛虫，相繼死。

金華寺多松柏，生毛虫，色黃，長二三寸，莫知所極。秀榮使人掃除，瘞埋，或棄于柴積內。僧仁秀取柴煮料，于烈日中灑乾，虫死者無數。經月餘，秀榮暴卒。寺中

毛虫且然殺牛犬者罪將何極

有僧入冥，見秀榮荷鐵枷坐空地，烈日中有萬萬虫，匝噬僧，還竟備說與仁秀。仁秀大駭，遂患背瘡，數日而卒。傲戒錄

曹武惠冬欲築室而憚壞壁，虫宜其將相累世也。思及毛虫，何地可忍。

○僧法惠烹迤死之鹿，即嘔血死。

蜀人母乾昭往莊收刈，有遭射之鹿，驚忙走投乾昭，昭閉於空房中，說與鄰僧法惠。惠笑曰：天送食物，豈宜輕捨，乃殺之。沽酒炙鹿，其僧飲啖，僧食一塊，忽大

世間盡謂天生物養人可笑

叫云：刀割我心，嘔血至夕而死。以办心報忍

鹿亦食不成，而空自死也。佛以喜捨慈悲為第一義，而僧乃曰：豈宜輕捨。僧不捨鹿，鹿亦不捨。

僧矣。那大叫刀割時，亦思鹿味否耶。

醫術種德之報

范文正不爲宰相，則願爲名醫。謂其救人多也。古來醫道神者，多從神仙中來。假此度世，卽不然而此道一精，脉絡亦豁，重以心滿行滿，必向成真處。結局矣。最苦賺財妄下，又忌疑病試藥，或乃詐小爲大，移輕作重，故用毒害使之沉苦，而徐收其功。其爲怨慘，何可勝言。故任醫術者，世間之一大功罪也。勤而種之，是在修扁鵲者矣。

○沈義善醫救人，夫婦昇天。

仙心

義吳郡人學道善醫。一心救世功德感天。周赧王十年老君遣使召之。與妻賈氏同載白日昇天。授碧落侍郎。去凡四百十二年。乃還鄉里。推求得十餘世孫。懷喜留數日。自云初謁老君。令玉女持藥賜義曰。此是神丹。飲者不死。夫妻各得一刀圭。復以符法令義。且還人間救疾苦。若欲上昇。以符懸之。竿杪仙吏當迎汝也。語已。奄忽如睡。已在地上。安帝時。猶存人間。後復昇天。

人當病時。亦是鬼厄。有盡心扶持之者。神明那

得不知。

○○陶弘景本草濟世蓬萊水監

丹頭

弘景好道養生。合丹藥救世。有弟子桓闔者。先得昇天。弘景曰。某行教修道亦至矣。得非有過。尚淹人間乎。乃托闔探之。後報曰。師之陰功極著。但所修本草。多用蚩虫水蛭之類。功雖及人。亦傷物命。以此一紀。後方得解形拂世。作蓬萊都水監耳。傷物救人尚不可况傷人乎

弘景乃以草木藥代物命。別修本草三卷。贖過一日。無疾而逝。屈伸如常。香氣累日。蓋屍解云。

安得此大藥王以賑救一世哉

○負局謫仙以治疫功滿

奇、琳

負局謫仙語似燕代人因磨鏡輒問主人有疾苦否出紫丸藥與之莫不愈時大疫每列戶與藥愈者萬計不取一錢後止吳山絕崖時時懸藥與人曰吾功滿欲還蓬萊為汝曹下神水崖頭一旦有水白色從石崖流下服者病多愈鄉人立廟祀之

此屬成道來矣然汲汲藥功以修福德况其他乎

○○思邈鍊氣以傳方道成

惠而不費只此可行方便

孫思邈隱太白山學道養神求度世法精求醫藥務行陰德偶見牧童傷小蛇以衣贖之傳藥放於草內旬餘出遊有白衣少年邀思邈至一王府王謝曰小兒前出為牧豎所傷賴道者脫衣贖救深蒙厚恩乃指一青衣小兒令拜謝放生之報設酒畢取金珠贈之不

中心拳

受取龍宮奇方三十首奉思邈曰此可助道者濟世救人思邈歸以方歷試皆驗乃編入千金方中刻牌

傳世傳藥不因此功德遂得仙去有人多印千金方

本因擊碎其牌欲以市利被雷震死又一人者從而

秘方邀賂者
可思此

再刻施之。夢思邈謂曰：汝命無子，今為吾刻千金方，當得貴子。思邈周宣帝時人。至明皇幸蜀，夢思邈乞武都雄黃，即命中使齋送峨眉頂上，上至半山見一人皓首被褐，指大盤石曰：可置藥於此。石上有表錄謝皇帝視之，果有大書百餘字，隨錄隨滅焉。

○○何澄有醫功而不淫，得官得祿。

澄以醫術著名，同郡孫勉之疾卒，妻寡居，以女病不愈，召澄視脈，毋引於密室，謂曰：妾以女久病，家私典賣，殆盡願以此身酬藥之直。澄正色曰：娘子何出此

乃是有淫
迴

似易實難

語。女病當為療治，安心勿憂。苟以此相汙，不惟使其永為小人娘子，亦失大節。煩慚退。澄一日假寐，恍見一神引至公署，主者曰：汝醫藥有功，且不以急難中亂人婦，上帝賜汝一官錢五萬貫。澄未之信，未幾東宮得疾，詔澄視之，一劑即安，擢為內翰，賜錢五萬貫。繇是大富。

○滑世昌有醫功而好施，脫災致富。

世昌為醫官，家資鉅萬，常以救人為心。鄂人德之，後夜本州城隍來訪，言此地有非常之災，君家亦坐厄。

救人乃救
已

是復何來

上帝以君用心慈仁多所濟活命我救爾一家但耗財耳然亦不至凍餒覺以語妻所夢皆同來日夜半火作風迅延燒無筭滑居烈焰中闔家無計自脫忽有壯夫數十着紫衣排烈火邊驅滑一家登轎徑至六七里俄而風雷大作適空屋趨避相看如癡莫知所以黎明人轎皆不見舊居已為瓦礫場矣掇別埃燼得銀百餘兩乃資日用始悟不致凍餒之言滑夫頗僕輩皆全僦宅城中醫道復振凡有危疾捐藥救療家業愈盛子孫十世皆富

財捐財而阜

火燈中餘金亦有前定人何必苦作牛馬哉捐藥救人而家道愈興此其間自不可曉愚人猶自笑析秋毫也

○○許叔微儒醫濟世神報科名

叔微嘗以登科為禱夢神告曰汝欲登科須憑陰德叔微自念家貧無力乃精意學醫以遂通妙人無高下皆急赴之所治愈多聲名益著復夢神授以一詩曰藥有陰功陳樓間處堂上胡盧喝六作五是年登第六名第五姓盧因上名不錄升第五上則陳祖言

平等妙

詩甚古骨

下則樓材方省前夢不誣。

黃白真偽之報

黃白奇術能富人能活人與君相造命無異是化工之所甚秘也。今世修鍊之家動以此自愚揣其意大都爲家事所累不然則爲窮乏得我所歆。又不然則爲奇巧所中。夫是三者于道何居乎。以三者之心而摩弄秘術期奪天巧不得罪天地乎。又有貧人標竊一二輒傲遊貴人而飾衆術以濟之。問其何以不自爲則曰力不贍也。夫煮土煎水古人爲之何關財力不則又曰我無福傍有福人夫

濟世願重
猶懼不得
況利心乎

損福是實

福孰大于能造金銀救饑拯貧者哉彼既傲然當之而又曰無福甚可姍也窮其歸不過翕銀精乾汞之法以塗騙一二而無識者遂見其小試有效思欲節火候堅心志以全收其功而彼鍊師先得實腹之利又伺便則揭篋脫金而遁矣多少志士及良家子弟墮此圈套不知外丹原藉內丹而成祇爲初入道者度世功德之資然尤不宜褻用得之者尚懼損福當大煉心性積功行以居之況復絲毫利已絲毫銜耀乎此范文正公得其書其術

到深知時
家已空

終身不發封而子瞻亦終身不試所以爲大豪傑也近世于此破家蕩產者累累執迷不悟可不哀痛自家既悞又騙他人以償宿債獲戾愈重奚如以覆轍戒人猶留些小陰功哉人家一錢半畝猶有分定况天工秘寶宥容俗人輒妄窺竊思之思之

○許真君點金代稅致位仙伯

真君爲旌陽縣令民有貧欠租賦者悉令衙后鋤園作工陰點成金埋園內民掘得之悉以輸納然不知

其為真君所化也。術不輕用，用必濟世。又渾然不露。此妙手也。是為眾仙之長。

○○陰長生作金賑窮白日飛昇

長生不慕榮位，潛心好道。師馬明生，不授以度世之

法。日夕惟談塵事，同學十二人皆怨恚去。獨長生禮

敬愈篤，積二十年。

此骨氣虛心誰有

明生始問所欲，長生跪

曰：乞生耳。明生哀其語而告之曰：子真求道者也。始

偕入青城山，煮黃土為金以示之。

云何二十年不即見明生作此

日授以太清金液神丹，乃別去。長生入武當石室中。

黃土為金從視黃金為土得未

世人日求長生誰解乞生

合丹先服半劑，未即昇天。乃大作黃金數萬斤，以施天下窮乏。施盡再服丹半劑，白日昇天。

惟乞生者能濟眾。生是以長生若要

把此物作子孫田宅用，則此心已是死法矣。

○○○呂真人恐丹金悞世一念萬功

純陽為鍾離師所度，十試皆過。因謂之曰：子功行未

克，可作黃白濟世。候滿萬行，方堪傳度。呂問曰：所點

之金能遷化否？鍾曰：五百年後復還本色耳。曰：如此

則悞五百年後眾。生鍾喜曰：只此一念萬行俱完矣。

二真人皆用丹不用黃白而黃白竟非神丹不成

遂授以秘丹之要常游人間誓願度盡衆生特遇之者自不識耳

夫子亦是此心

欲度天下衆生方成大道吾人以是爲心雖欲輕着手細結緣不可得也又道書記純陽嘗以道士謁韓魏公自稱能作墨乃掘坎溲溺其中韓不悅及墨成辭去則視之皆金笏也不以假金誤世故能以真金化人吁微乎微乎

○管歸真恐丹金悞世傳法得召

歸真遇一青衣言姓邊有黃白術相贈歸真曰歷火

符從心生

遠不日五百歲當復爾歸真謝曰得不悞後人耶青衣以手加額曰子真人也吾有紫府符法珍藏已久今豈可隱乎遂授之符法大振祥符中召赴闕行符救病無一不愈京師旱能致雨號大法師正白先生一日告其徒曰吾功業成上帝來召遂偃化趙忭守杭記其事

天帝召人帝召只憑一心做出

○○○王常切心救濟神授奇術

常洛陽人負義氣見人飢寒解衣推食畧無難色唐

幾個有此志

彌天力量 俱從志做 成 觀此則有 則不施而 望造金布

施者亦自可嘆

至德二年入終南夜半月朗慨然嘆曰我欲平天下
相亂無一人之柄以佐我我欲揀天下飢寒而衣食
亦自不克福善徒虛語耳言訖有神人自空而下曰
爾何為言此常曰我平生志也神曰我有術黃金可
成雖不足平禍亂亦可濟人飢寒爾能受乎常曰我
聞此乃仙術空有名未之覩也徒聞秦皇漢武好此
道而終無成祇為人笑神曰帝王處救人之位自有
救人之術而不行反欲求此非也爾無揀人之位而
切其志固可行此常曰真有之乎神曰爾勿疑夫黃

金乃山石之精千年為水銀水銀猶太陰之氣故流
蕩不定一合純陽之氣則化黃金於倏忽也常乃再
拜神人于袖中取卷書授常戒曰異日當付一人勿
輕授勿終秘勿授貴人彼自有救人之術勿授不義
彼不以饑寒為念濟人之外無私侈不然天奪爾算
常再拜問何神曰我山神也昔道人藏書此山今遇
爾義烈故付之言訖而滅常遂得其術以遊歷天下
賑濟之絕 太平廣記

有救濟天下如斯人者哉何學烹鍊者之多也

神仙尋人
人自無福

昔賀闌百歲服氣能點化黃金真宗召問之對曰方士小術不足為陛下道願以堯舜之道點化天下吁真大仙之言與此若符契固知翁文成樂五利以化金動人主者盡妄也又有賣薑翁在衡州遇一道人謂曰吾有黃白之術獨求有常德者授之翁不應但就担頭取姜一塊納口中吐出即成黃金遂相顧而笑皆隱不復見

道人惟看此翁可授定自不錯翁賣薑三十年而人不知其有奇術也何如哉 出仙傳

常德二字妙惟常能用奇若作奇想便受天譴

○○陳希亮得術營家天奪祿命

既不用矣
傳之何益
曰此理原
欲傳流以
俟濟世者
大作用耳

蘇東坡嘗至一寺有老僧兩目有光謂之曰吾有鍊金之術當傳之子坡曰吾固不能用也僧曰惟子得之能不用吾是以傳之若扶風陳太守日求吾術吾不告之非吝也彼得之不能用反為彼作禍耳遂以授坡守陳希亮聞之即向坡公處求坡不以為意遂教之亮作金有成坡嘆曰果有此事吾乃負老僧矣無何而亮以賊敗官坡既私訝之又五年不聞問後遇亮子於都市問曰尊翁歸若何曰吾父既敗官

能化金反
以賊敗不
亦巧乎蓋
貪天之罪

甚於貪人

卽恣意鍊金未旬月而病十指皆落又踰年而死東坡始信老僧之言爲不誣也

化金不得譴則富填海矣世寧有此理

○○程偉逼妻求法反喪妻

漢黃門郎程偉好黃白按枕中鴻寶作金不成妻方氏因偉爐中水銀出藥少許投之卽成偉大驚曰道在汝處而不早告我何也妻曰得之須繇命尚伺偉何如耳

偉乃日夜說誘之賣田宅以供衣食甘美終不肯告偉乃與其侶謀欲杖迫之妻已先知曰傳道必當得

其心以爲得法則田宅不必患也只此便定俗念

人如其人雖道路相遇當傳之如其非人雖寸斷而支解終不傳也遂佯狂裸而走以泥自塗乃屍解去

好好的仙女在家乃容受不起○看此案必謂

偉不可傳非也他有此道心又結此仙眷便是

有緣旣美奇示之而終不言亦不去分明是看

他心術行誼如何一以衣食啗他已乖道念况

又欲下毒手乎有緣美壞究竟貪心所使可惜

可惜

○○沈某燒金起家卒喪命

持金術求
乞豈不是
一場咲柄

延吉錄 卷之六
七修彙藁云余甥孫沈某兄弟二人爲鍛銀以給食
數年置室廬妻奴又數年羅綺銀器畢具人或言其
得燒金之術假鍛銀以揜人耳目耳余且信且疑無
何兄弟繼死家遂以廢其父一日携一書告予曰吾
兒得此粗得衣食今獻于翁少丐錢穀可乎予因益
信張永德陳希亮之事爲不誣也予有姪好此語之
姪曰沈與北司前某人同爲今亦棄世矣嗚呼不義
之富、禍、不、旋、踵、何、益、哉

張永德有道人濟以藥金求其術不與曰懼減
君福耳永德後至極貴○老僧授東坡有云吾
嘗以術授人矣有爲之卽死者有遭喪者有敗
官者後陳希亮爲之果然

戲侮聖賢之報

戲侮心無處可用况聖賢乎愈聰明愈伶俐愈足害事要之須從心上克去

○○宋書生偶戲聖像神絕其慧

宋南昌李知縣到任謁先聖廟見殿宇頽損基址湫隘遂作新廟于縣南往移夫子聖像十餘人擡舉不動一士子在側戲曰夫是之謂重泥知縣怒正色責之曰汝為士子敢侮先聖如此其人惶恐而退至夜忽被陰吏追至一官府曰李知縣有狀申汝侮慢先

古慧忍不
任便犯此
戒

知他會簸
弄字眼故
令他不識
字報得有
趣

專倚誦經
為功德者
非然其中
有心印在
焉侮聖言
則斷度人

種子矣

五生何知
不大貴可
惜

聖、左、右、扶、過、決、杖、二、十、及、覺、如、痴、人、自、是、更、不、識、字、
雖、自、已、姓、名、亦、不、識、

吾、儕、自、恃、其、舌、根、玲、瓏、輒、好、嘲、謔、殊、不、知、此、玲、
剔、根、一、討、便、去、原、不、是、堅、穩、的、勾、當、安、得、賣、弄、
許、多、也、切、當、三、緘、

○○武功縣五生穢褻經藏並皆死絕

縣西有寺積佛經一大藏縣學六人講讀其中時令
月四生取經燒坑一生取經燒洗面水一生誹燒經
者不敢言則康海狀元也一夕海夢三官排衙六生

前跪中坐者曰佛大聖人也何敢取經燒坑四生俯

伏請罪斷云皆合絕後復問燒洗面水者曰何敢乃

爾對曰止一次斷云雖一次可乎無前程末顧對山

汝何不言應曰我年幼心知不可不敢犯長者耳斷

云一言勸諫之可免罪今姑恕汝汝得志可扶持法

門驚覺遂書其事于書末後數年督學來試五生皆

被黜六月瘟疫盛行四生門戶皆死絕洗面生作教

讀老人嘉靖七年亦餓死毫髮皆不爽云此對山親

與蒲州楊會憲言也
出心行錄

如天澤所
說通甚彼
鳥知世界
之大義理
之濶哉

天澤自以
為具隻眼
故陰府亦
為開一隻
眼

此等學術
殺人不少

○○大學生鄢天澤饑侮先哲面變三眼轉生為彘
鄢天澤好譏誚前人各賢籍冊無不遭毀嘗聽人誦
詩曰野鳥啼到無聲處輒唾曰此放臭語既已啼如
何無聲凡所貶剝多類此一夜鬼追其魂至閻羅殿
下王謂之曰汝平生肆作聰明動肆譏彈宜變面目
以示戒於是令多眼鬼再安一眼于天澤額上放回
既出天澤謂鬼使曰曩殿上聯云閻羅日月殿偏閻
羅殿有日月明鏡風霜臺偏明鏡臺有風霜不通殊
甚鬼使怒曰汝今日猶不變舊性耶推墜之驚而甦

則額上三眸旭旭矣自知其醜不令人見呼妻告語
之因揜戶自縊死即被陰府復還其魂不得氣絕如
是三縊乃割喉而死已而隣里產一豚耳有文曰鄢
天澤食糟早肥旋就烹醢當時莫不盛傳其事焉
錄

新奇

○○溫陵李贄好誹聖哲進奸薄伏罪自刎死
贄號卓吾舉於鄉後為郡守其學以翻剔前案為奇
非毀聖賢為高則創為兩人語其一曰天不生仲尼
萬古如長夜其一咲曰然則羲農以下盡燃紙燭而

武后之淫
酣不可取
也則取其
用人馮道
之敗節不
可取也則
取其救世
所謂巧言
亂德者也
至李達林
道乾則明
以其多殺
作逆為快
事矣

行也。次至孟子迄於朱程誹侮尤甚。所著有焚書藏書等篇。專一撻擊繩趨矩步之士。以始皇為聖帝。武則天為聖后。馮道為聖相反賊。林道乾為二十分胆。二十分識。欲率天下放蕩決裂。狼狽睢而後已。眾樂其便於行私快於恣談邪說暴行。遂溢於世。晚年兒死。益任誕。妾削髮為僧。仍黃蓋紫袍。與人修佛事。引誘少年姿女。日與講玄說妙。詭譎傲放。無所不至。初與耿楚侗為友。後耿惡其誕。遂操戈攻耿。疾學士如仇。竟為張給事中所奏。付錦衣鞫問。贄懼罪不測。

且疇昔粧飾瑰磊。無以自解。遂刎於獄中。按贄嘗自謂行年七十餘矣。平生好嫚罵人。然所以得保全者。蓋人諒其無心也。首領牖下。是尋常事。而遂高標如此。分明欲以長生欺人。厥後獲戾。計無所出。又自謂將死於不知已者。持剃刀自割。示其勇烈。復欲以死欺人也。進退無名。而人尚尸祝之。若使李贄不伏法。死鮮不謂白日昇天。蟬蛻屍解矣。天網昭昭。世迷不悟。可為浩嘆。

如李贄者。敗壞風俗禮教。無父無君。雖磔之何

足以塞其罪哉。○贊之取武后，好拜月，人以為

趣，不知其為淫心所使也。其取黑旋風宗林道

乾，人以為豪，不知其為殺心所使也。與起奸雄最為利害

如戰國時刺客梟張亦是此學術熾弄耳夫子作春秋勇俠不名直書之曰盜懼人以名賈勇也而卓吾乃

鼓而舞之戲侮帝王，詈人狗彘，人以為奇快

不知其為放恣根所使也。此根最害事抑之猶懼起謾罵道

學，凌滅繩準，人以為公惡，不知其為排狠根媚

嫉根所使也。宋人云：道學更有何罪，必名之曰

偽學，而後一網打盡，使世界樂蕩，鞅叛名義，輕

亦有以醒
眼而好之
者然習久
亦為所用

聖賢喜，蹶張則乾坤竟成何等。夫詖淫邪遁各

有從出，生心害政，發政害事，知言哉。

有譽卓吾者，直曰：彼不要室家，不要財，不要命，

吁嘻似矣。夫妾媼之憤妬，爭言與夫異宿，非斷

色也。鬪毆毀成家，私不顧非輕財也。計無復之，

闔戶自縊，非齊生死也。卓吾之怨尤狠忿，中途

決裂，何以異于是。

心術世道之壞，只在一敢。

亦為祖用
香熟語及
如前秋文
亦於以類

○出。國。遇。難。如。此。不。可。不。辨。情。無。真。之
。平。報。以。矣。夫。妾。敢。以。對。敵。年。官。與。夫。異。爵。非。濶
。亦。譽。卓。吾。昔。直。曰。好。不。要。室。家。不。要。根。不。要。命。
。亦。出。出。主。心。害。死。發。死。害。事。味。言。好。必。名。之。日
。望。賀。喜。親。親。限。彈。申。竟。如。向。善。夫。婿。對。味。豈。容

交情金玉之報

○荀巨伯以身衛友化盜全城

晉荀巨伯遠省友人疾。值賊攻郡。家人悉奔竄。留疾者在家。巨伯不忍去。賊至。執之曰。一郡並空。汝何男子。敢獨止此。曰。友人疾。不忍委之。願以身代友之命。賊感其義。旋軍而還。

○朱暉受託副義顯爵揚名

暉。南陽宛人。與張堪同縣。所謂張君為政。樂不可支者也。堪於太學中見暉。接以友道。把其臂曰。欲以妻

兩循吏自
是意味相
感

子托朱生朱以堪先達不敢對自後不復相見張亡
後朱聞其妻子貧困自往候視分居食給之暉子怪
問曰大人不與張君為友何忽如此暉曰堪嘗有知
已之言吾以信於心也暉後守臨淮亦有善政民歌
之官至尚書僕射

以先達不敢攀援此所謂淡若水也及死而託
孤竟不負焉夫是之謂心交世之炎涼與此得
無互異乎

○狄仁傑代使絕域化及官長

仁基至稱
梁公曰北
斗以南一
人而已

梁公為并州法曹時與同僚鄭崇善崇當使絕域公
曰彼母老且病豈可使有萬里之行請長史蘭仁基
請代之仁基素與司馬不協因相謂曰吾輩豈可不
自愧乎遂相與輯睦夫善之感人有如此者亦錫類
之孝

○徐晦冒罪送友舉為監察

楊憑為京兆尹御史李實簡劾之貶臨賀尉及行獨
所善友徐晦送至藍田故相權得輿言君送臨賀誠
厚無乃為累乎晦曰晦自布衣時楊臨賀知我厚方
茲流播寧忍無言而別有如公為奸佞譖斥晦敢自

若與俱貶
命也即見

舉亦命也
受其正而
已

同路人乎。德輿嘆其長厚。未幾李實簡請為監察。謂曰：君子不負楊臨賀。肯負國乎。繇是知名。

李中丞固臨賀對頭也。而見晦之厚。不覺擊節。彼附勢排群。臨危易面者。雖權貴暫用。亦終薄其人矣。

○○韓愈交寒士而名高山斗

文字意氣
有是何况
道德

愈為京兆尹。賈島赴舉在京。一日於驢上得句云：鳥宿池邊樹。僧敲月下門。用敲推兩字未定。引手擁至尹前。不知迴避。問之。具以實對。愈立馬久之。曰：敲字

視勢味何
如

佳。遂並轡同歸。論詩累日。與之友善。贈詩云：孟郊死葬北邙山。日月風雲頓覺閑。天地文章聲斷絕。故生賈島在人間。繇此名譽著。聞李賀七歲能文。時未有知。韓愈與孟郊訪之。題名其門。與之為友。賀遂知名。舉進士。愈文章冠一時。學者望之如太山北斗云。

退之貴顯。文宗乃與後學片晌定交。并其小子。噫。非特達能至是乎。何損山海之大。愈增日月之明。

○○○范仲淹資窮遊而業滿乾坤

便難

世有見游
乞則怨之
者不思我
當此時何
才可展

仲淹在淮陽有孫秀才索遊上謁公助錢一千明年復謁又助一千因問何為汲汲如此戚然曰母老無以養若日得百錢則甘旨足矣仲淹曰子非乞客吾補子為學職月得三千以供養子能安於學乎孫生大喜後十年有孫明復先生以春秋授徒道德高邁朝廷召至則前索遊者也仲淹乃嘆貧之累人如是雖才如明復猶將汨沒況其下乎士如此不遇者何限此成德達材所以須上人也

○陸叅政義著丐友

陸孟昭送客出門偶見丐者於道公熟視令人引進語夫人曰此絕似吾少時友令人詢姓名果然公即出持其手曰子何貧至此耶遂令浴更衣與其飲食者旬餘友感謝去公親送至一室曰吾為子置此矣器用俱備又米十石金十兩語之曰聊以此為生毋浪費也吳人傳為盛事

○石大用名成代師

正統時李時勉為祭酒抑奔競別賢否隨材造就息義兼盡為王振所害枷于監前諸生皆伏闕石大用

更難
難甚

薊州人獨請代罪曰民生於三事之如一。時勉年老風疾况值炎熱死亡無日。乞容臣代枷以全師生恩義。上并釋之。繇是知名。是秋中式。遂銓戶部主事。

負恩反覆之報

屬師友

○孔敞二子賊其師遂死無後

會稽孔基勤學有志操族人孔敞使其二子從基為師。而敞子並兇狠。趨向不軌。基屢言於敞。此兒常有忿志。敞尋喪亡。服制既除。基齋羊酒往看二子。二子懷怨。潛遣奴路側殺基。奴還未至。乃見基來。攘袂厲聲言曰。奸醜小豎。人面獸心。反天忘父。人神不容。要當斷汝家種。從此之後。數日見形。無幾大兒向廁。忽便絕倒。絡繹往看。已斃于地。次者尋復病疽而死。卒

何捷也

致兄弟無後

太平廣記

殺人已該受惡業況倍師乎又況于肯言人過

之妙師乎

○袁粲門生殺粲幼子其家並死于狗

災難時乘

危擠人尤

為無行

齊高祖欲禪宋尚書令袁粲舉兵不從被害有乳母

潛將粲幼子投粲門生狄靈慶慶殺之經年忽見兒

騎狗戲如常後復有一狗走入靈慶家遇靈慶便噬

殺之其妻子並死于狗

太平廣記

狗知主人而靈慶乃不知思主義相懸矣狗安

得不聲罪致討哉

○梁刺史張臯殺其恩民得惡疾死

梁將張臯嘗因敗入北有一土民與臯盟誓送還南

國其民因遂出家法名僧越臯供養之後為東徐刺

史僧隨至任恃其勲舊頗以言語忤臯臯怒遣兩門

生夜往殺之爾後忽夢見僧越云來報怨少時出射

而箭括傷指纔可見血不以為事彼因破梨梨汁浸

漬乃加膿爛停十許日膊上無故復生一瘡膿血與

指相通月餘而死

出還冤記

待恩之人
常驚其特
思輕已既
有此意則
在在不化

到富貴安樂時。能不忘大德。思小怨者。有幾當破敗入北。何以都無煙火氣也。然後知生於憂患。而死於安樂乎。

○○唐師夜光殺其恩友。見之庭中。遂死。

師夜光。薊門人。聰敏好學。盡通內典。又有沙門惠達者。家甚富。與為友。是時玄宗好仙釋。窮索名僧。而夜光貧。不得西去。常怏怏。惠達因以錢七十萬資其行。且曰。師之學。孰必將首出。為天子近臣。異日無忘。夜光謝曰。幸師厚貺。我倘獲遇。必當有以報惠。遂至長

柔作此意
迎之

這樣擺嘴
陰毒的弟
一難消

到此時幸
臣勢用不
着辨慧亦

安。賂九仙公主左右。選異學僧十輩。與方士議論。夜

光預焉。演暢玄奧。無敢比者。上奇其辨。寵遇日隆。拜

博士。賜甲第金錢。號幸臣。惠達遂入長安。訪之夜光。

見其來。以為收債。於已大不悅。惠達悟。因告去北。歸。

月餘。夜光慮其再來。即密書與薊門帥張廷珪曰。近

者惠達師至。輦下。誣毀公繕完兵革。將為逆謀。以公

之忠。天下莫不聞。積毀銷骨。不可不戒。廷珪驚怒。即

召惠達。鞭殺之。後數日。忽見惠達來庭中。責夜光曰。

我以七十萬錢資汝。西上奈何遽相誣謗。使我冤死。

真倭人言

面孔頗異何也

來不得

何負我之深也。言訖遂躍而上。猝拽夜光。師氏家僮咸見之。後數日夜光死。太平廣記

○偽蜀將韋承臯殺其鍊師藥成誅死

佛厭其有殺氣

事事有此報復人第不容耳

承臯典眉州有僧行真善黃白術構木塔十三級火輒焚之。凡三構無窘。費錢數萬計。承臯乃召至郡。修作金法。承臯謂郡司馬盧敬芝曰。某與行真同遇韋處士。授此丹術。今老矣。故召之同修舊藥。藥成子亦得分惠焉。盧敬諾。藥垂成。韋牧坐罪貶茂州叅軍。臨行。盧送至墓。願津。韋牧沈藥鼎於江中。謂盧生曰。吾

罪矣。先是授術韋處士者。吾害之而滅口。今日之事。藥成而禍及其有神理乎。蜀國更變以拒魏王之師。誅死。出北夢瑣言

非欲滅口乃如勝忌前耳平生心術可知

黃白秘術。鬼神禁忌用以作家。猶不可況殺其授師乎。韋承臯於授術者。欲滅其口。而沾沾與盧司馬言何為是。固天啟其喙。留此一段公案耳。不然孰知韋牧以此死哉。

○丁戌負其盟友為鬼所馮自擊死。平亂吳世成長洲人遊燕與壯士某氣力相悅結盟兄弟。亡何

利害兩字
敗人心術

其人以盜敗倉卒搜百金於丁為獄中餽粥資丁利
其、金、且、虞、禍、及、行、金、於、獄、卒、斃、之、越、三、年、歸、吳、舟、中、
忽、自、作、鬼、語、詈、曰、汝、好、負、心、今、得、相、報、矣、因、對、眾、言
其、所、以、眾、曰、固、然、與、我、等、何、罪、盍、緩、之、曰、然、我、且、至
其、家、候、之、遂、寂、然、丁、抵、家、三、日、忽、反、目、作、聲、如、前、而
操、鎚、自、擊、其、齒、皆、落、人、從、旁、奪、鎚、則、勇、力、愈、奮、忽、又
操、刀、自、斷、其、臂、而、以、爪、自、抉、其、目、血、流、滿、地、觀、者、傾
市、人、或、謂、汝、冤、何、待、三、年、曰、向、我、繫、獄、近、得、赦、始、出
遂、死、

猶有家態

平生恃力凌人必自直一死觀其繫冥獄可見
但丁自欺心結冤則殺殺相報將未已耳然則
人雖有可死之法我不可無好生之心

○ 呂不韋陰謀殺法

不韋陽翟大賈遇秦太子子嬰人買於趙見此奇貨

人觀其可取之去非不可無其主之心
卧下自熇心辭京限錄錄時時錄未日五然腹
平主卦代變人心必自直一辰購其縲冥結可息

機巧僥倖之報

大巧必有大拙陳平所謂陰禍也薛文清云天下
事巧拙相半未許有智力爭此

○呂不韋陰謀受族誅

不韋陽翟大賈遇秦太子子異人質於趙曰此奇貨
可居乃以千金見太子夫人姊而說之卒以異人爲
嗣是爲莊襄王又娶邯鄲姬絕美者與居知其有娠
飲異人酒而獻之生子政爲始皇不韋益尊寵用事
然竟爲始皇所誅夷其族

兩次出奇
不救一死

○春申君陰昏受刺殺

楚考烈無子。趙人李園進妹于春申君。有娠。乃說春申君進之王。王召幸之。生男。立為太子。李園恐春申君泄之。伏死。士刺殺春申君。滅其家。

○二人立此意。已得罪神明矣。竟以此死。富貴安在哉。

○宋齊丘沉景昇而殊死

譚峭字景昇。因遊三茅。過金陵。見齊丘子曰。予化書之。化化無窮。願子序而傳之。齊丘以酒虐景昇。醉甚。

後求媚嫉
爭功正是
用此手段

裹以葦囊。縫而投之深淵。有漁人獲而剖之。一人鼾睡正濃。大呼。乃覺。問之曰。我譚景昇也。齊丘奪我化書。沉我於淵。今化書將無行乎。漁人曰。行久矣。景昇曰。化書已行。吾不復人世矣。吾睡囊中得大休歇。煩再縫而投之。漁者如其言。齊丘後為唐相。成大功。然不得令終宜哉。

群談採餘

○女巫詐公主而伏誅

靖康時。柔福帝姬隨二帝北狩。有女子詣闕。稱為柔福。自虜逃歸。詔遣老官人視之。其貌良是。問宮禁事。

世間多有
此謾天謊

天不容奸

頗能言之。但以足長大爲疑。女子顰蹙曰。金人驅迫如牛羊。跣行萬里。寧復故態哉。上惻然。卽詔入宮。授福國公主。下嫁粧資萬八千緡。及顯仁太后回鑾。言柔福死虜中久矣。始知其詐。執付獄。乃一女巫也。嘗遇宮婢。言其貌類柔福。教以宮禁事。使爲奸詐。乃伏誅。吁。非顯仁之婦。則富貴終身矣。

○唐三盜以得金而喪命

唐天禧中有盜三人。發一古塚。金寶克塞。共收歛入囊。二人設計。令一人買飯。俟其飯至。食訖。推其人于

崖下。一人買飯。潛置毒于飯中。謀致二人死。而獨得其物。飯至。二人遂推其人於崖下而死。二人食訖。毒發。亦死。吁。若三人均分其物。皆得享富矣。奸險之賊。互相鬻害。皆致凶死。世情如此者不少。可戒哉。

○○○劉方遠蔽罪趙林爲鬼所毆死

宛平民趙林。與劉方遠飲。娼楊三家。娼有故歡。王宗義來。並飲。相妬。遂至毆擊。劉方遠助林擊傷宗義。歸暴卒。卒時語妻曰。方遠寔毆死我方遠。聞變。卽出貲。賄宗義妻及娼楊三。稱是林擊死。林竟坐死。自是方

宿娼者戒之

受賄賣人命的最可惡合取死

有豪兒焉謂無此寺人不歡

遠家常失物，筐箱間有流火。一日方遠饌客，客忽起揪方遠髮亂毆，作林聲罵曰：我代汝死耶！然我已訟陰司矣。數日方遠死，又數日宗義妻曰：林事發逮我，與楊三矣。自往覘楊三，已病捧心，展轉皆卒。

談冶

卽此一事，便堪破方遠心事。趙林飲娼家，卽邀與俱，是個會搬弄人的。厮打便去助拳，是個會作爪牙的。聞變便納賄，是個會脫身離己的。彼乖巧物事，歡會便相親，有急便推出，原自如此。特趙林無眼，自被他哄耳。若趙林爲嫖主，則娼

家之奉承方遠，必倍篤矣。若趙林與宗義訟，則方遠之唆謀兩家，必得後手矣。世上半是此輩，弄壞可驚，可怕可怒，可殺。

○○○李循模攘貢囑選不售竟恨死

此等人平生機謀可勝道哉

寧波郡庠生王錄臨貢，其次爲李循模。李素乏行檢而多智術，乃百計攘得之。王樸實人不較也。李入京就選，徧于卿貴，夤緣得入首相嚴公之門。久而親暱，遂求順天府學司訓公爲諭意銓曹，許之。於是揚揚自得，未掛榜前，縱步入順天府學，登其堂，窺其衙，徘徊

些小得意
便忍不住
如此宜其
歎也

徊良久齋夫輩異其舉止呵之遂大聲詈曰吾不數
日當坐於此鼠輩敢無狀耶齋夫輩乃群譁于吏部
前語聞文選大駭亟易以廣西一小縣學李快快去
未幾身及一子一僕俱死於彼明年王應貢就選乃
恰得順天府訓導云嗟夫設使當時李被人訐而他
更王選他所而遠任亦無足爲異今多智者無上事
而自貽伊戚樸實者無心中適得擠我者所謀之善
地豈非鬼神故示與奪之意以彰善惡之報哉吁可
畏也已

○○○孫邦華冒名涖任後謁選得之不敢往

邦華歸安人與姐夫某俱以省祭當選其姐夫得太
原府倉官而華選期未及將告歸不意其姐夫暴卒
華黠人也謂其甥曰爾父一生辛勤已矣顧文憑見
在盍使我冒爲之小官異省誰人覺察凡有所得誓
必均分任滿再考則以爾父作迹而我自可另選矣
其甥從之展轉間幸不敗露華甚以爲得計後脫身
入京投文聽選則恰補其姐夫之缺而勢不得往矣
遂涕泣棄歸向使不爲僥倖之計則太原倉官依然

神曹笑久
矣倉官啼
何遲耶

豈特分有與人且多少害怕不自在

自在。且可獨專其利。不必分所有。以與人也。小人巧于為謀。而造物更巧。于制命。任他千方百計。總不出其範圍。可笑可懼。

○○○二村民誘愚民沒水取舟共渡。而二民竟以覆舟死。

然必懲過他善泗也

劉合峰言其近處村中。有三人同行。前臨一渡。值溪水驟漲。而舟在彼岸中。一人素愚蠢。二人乃誘使脫衣。泗過。取舟。其人出沒湍流中。幾至滅頂。僅獲濟。乃復竭力撐舟來渡。二人登舟。綱欲撐開。愚者忽

肚痛欲洩。不可禁。亟跳登岸。二人遽揮手曰。日已暮。吾不能候汝矣。遂撐去。俄而水急。舟橫抵岸。一觸俱覆。溺焉。而愚者固在岸。自若也。夫因其愚而擠之。以自利。賴其力而復背之。以自濟。不仁甚矣。其覆溺也宜哉。
三事皆出談冶

延吉錄卷之六 終

○○○二村民誘愚

宜。若。辨。死。

事皆中

自。休。其。代。

驚。讎。焉。而。思。

吾。不。能。辨。

粗。能。辨。其。

然必懲誦
此言酒也



